

SÁMEDIKKI DÁIDDÁRSTIPEANDA NJUOLGGADUSAT

Lága vuoigatvuodavuođu: Kulturdepartementa mearridan čakčamánu 16.b 1998 vuolgan stuorradikki mearrádusas geassemánu 19.b. 1997. Sirdun Sámediggái Norggas ođđajagimánu 1.b. 2002, vuolgan stuorradikki mearrádusas juovlamánu 14.b.2001. Sirdun Sámi Dáiddárráđđái Sámedikki dievasčoahkkin mearrádusa vuodul Skábmamánu 27.b. 2003, ášši 42/03. Njuolggadusat dohkkehuvvon Sámi dáiddárráđi (SDR) jahkečoahkkimis miessemánu 6.b. 2006. Rievdaduvvon SDR jahkečoahkkimis miessemánu 19.b. 2012 ja jahkečoahkkin geassemánu 20.b. 2019.

- I. OASSI Obbalaš dieđut
- II. OASSI Oktasaš njuolggadusat
- III. OASSI Sierra mearrádusat iešguđetge stipeanddaid ektui

I. oassi Obbalaš dieđut

1. Sámediggi dáiddárstipeanddat

Sámedikki dáiddárstipeanddat leat bargostipeanda, bargostipeanda nuorra easkaálgán ámmátdáiddáriidda, lotnolasstipeanda, seniorstipeanda, oanehisáiggestipeanda ja smávit stipeanddat. Stipeanddat juolluduvvojit daid iešguđetge dáiddáriid ohcamiid vuodul. Stipeandda ferte álggahit juolludan jagis.

2. Ruhtajuolludeapmi

Sámediggi mearrida juohke jagi iežas bušeahtta vuodul ruđa dáiddárstipeanddaide

II. oassi Oktasaš njuolggadusat buot stipeanddaide

3. Ortnege ulbmil

Stipeandortnet dáiddáriidda galgá veahkehit joksat Sámedikki dáiddapolitihka ulbmiliid, go láhččojuvvo dilli vai ovttaskas dáiddár galgá sáhttit Sámedikki njuolggajuolludusa bokte váikkuhit mánggabealat ja ođđahamat dáiddaeallimii.

4. Ulbmiljoavku – gii sáhttá oheat

- Sámedikki dáiddárstipeanda juhkkujuvvo sámi dáiddáriidda geat eanas áiggi orrot ja doibmet Norggas. Go orru govttolaš, de sáhttá spiehkastit Norggas orruma ja doibmama gáibádusas.
- Ohccit geat devdet gáibádusa leat Sámedikki jienastanlogus riikain gos sii ássat.
- Ohcama sáhttá sáddet son guhte atná iežas sámi dáiddáriin ja lea bargan dahje geas lea ámátlaš gaskavuohta dasa.
- Ohcat sáhttet ovttaskas dáiddárat, eaige dáiddárjoavkkut.
- Ohccit galget sáhttit duođaštit dáiddalaš buvttadusa dahje doaimmaid.
- Dáiddársearvi miellahttovuohta ii gáibiduvvo.
- Ohccit guđet juolluduvvon stipeandda ovddas eai leat sádden ráportta dahje dasa gulli rehketdoalu vaikke lea jerrojuvvon, eai sáhte vuordit ahte ođđa ohcan meannuduvvo ovdal dán čorgema. Seamma guoská jus váilot golloduođastusat (mildosat) iešguđetlágan stipeandda geavaheamis.

5. Juolludeami eavttut

Go juolluduvvo stipeanda galgá dušše deattuhit dáiddalaš doaimma ja kvalitehta.

Ii galgga smiehttat sohka gotti, dáiddárserviid miellahttovuođa, dahje oskkolaš ja politihkalaš oainnu. Agi galgá váldit vuhtii dušše daid heviid go lea mearriduvvon ahte lea/ dahje sáhttá leat eaktun juolludeapmái. Váldonjuolggadus lea ahte seamma dáiddár ii sáhte oazžut eanet go ovtta Sámedikki

SÁMEDIGGI DÁIDDÁRSTIPEANDA NJUOLGGADUSAT

stipeandda jahká. Sii guđet ožžot bargostipeandda, stipeandda nuorra easkaálgi dáiddáriidda, seniorstipeandda sáhtá liikká oažžut smávit stipeanddaid maid.
Buot bargostipeanddain ferte leat bargoplána mii čilge doaimma dan áigodagas masa ohcá ruđa.

6. Almmuheapmi, ohcanáigemearri

Stipeanddat almmuhuvvojit Sámi Dáiddárráđi websiidduin, sámi áviissain ja beaivválaš áviissain.

Ohcanáigemearri lea golggotmánu 15.b. juohke jagi. Jus ohcanáigemearri šaddá lávvardaga dahje sotnabeaivve, sáhtá sirdit áigemeari eará beaivái.

7. Gáibádus ohcama sisdollui ja hábmái

Ohcan čállojuvvo elektrovnnalaš ohcanskovvá mii lea Sámi Dáiddárráđi ruovttusiiduin; www.samidaiddar.no. Ohcanskovi ii sáhte sáddet poastta dahje e-poasta bokte.

7.1 Heaggadieđut

- Almmut nama, čujuhusa ja riegádannummara (11 logu) mii álbmotregistaris lea ohcci namas.
- Ohccit geain ii leat riegádannummar fertejit háhkat norgga ID-nummara ja norgga vearrokoarta ovdal go sáhttit sidjiide máksit .
- Ii sáhte organisašuvdnanummara atnit ohcamii.

7.2 Válljet fágálávdegotti dahje dáiddasuorggi

- Merkes dan fágálávdegotti mii du mielas galggašii du ohcama meannudit. Jus eahpidat guđe fágálávdegotti válljet, de merkestat dan dáiddasuorggi maid anát leat lagamussan iežat plánaide ja ideaide. Almmut dán birra mearkkašumiid sajis.
- Juohke fágálávdegoddái sáhtát sáddet dušše ovttá ohcama. Jus ozat eambo stipeanddaid, omd. bargostipeandda ja iešguđetlágan stipeanddaid seamma fágálávdegottis, de čohkke daid seamma ohcamuššii.
- Jus háliidat ohcat mángga dáiddasuorggis, de fertet čállit ollislaš ohcama juohke guoskevaš fágálávdegoddái.

7.3 Jus leat studeanta 1.1 dan jagi go doarjja juolluduvvo

- Ohccit guđet juolludanjagis leat vuodđooahpus, galget dieđihit dan birra ja goas oahppu jáhkkinis nohká. Vuodđooahppu galgá leat nohkan ovdal go stipeanda juolluduvvo.
- Stipeanda ferte álggahuvvot juolludan jagis.
- Bija dieđuid fárrui makkár oahpuid, kurssaid jna, dus leat mat leat áššáigullevaččat ohcamii.
- Oahppu ii gáibiduvvo.

7.4 Doaibma ja buvttadus

- Muitalastte oanehaččat makkár dáiddalaš bargguid leat bargan.
- Čális áinnas dakkáriid mat eai gula dáiddalašvuhtii, jus dát leat dehálaččat du ja du duogáža govvideapmái.
- It galgga rehkedoalu itge ruhtadili namuhit.

7.5 Stipeandda/stipeanddaid atnu

- Čilges plánaidat, dáiddalaš jurdagiiddát, prošeavttaidat, dárbbuidat jna. Juohke jagi bohtet olu ohcamat. Fuolat ahte dus lea vuđolaččat bargojuvvon ohcan ja ahte das lea buorre kvalitehta.
- Jus leat merken ahte leat ohcan mángga stipeandda, o.m.d. bargostipeandda ja mángga iešguđetlágan stipeanddaid, de galggaat juohke stipeandda vuđuštit.
- Sáhtá oažžut mángga stipeandda oktanaga, o.m.d. bargostipeandda ja iešguđetlágan smávit stipeanddaid.

SÁMEDIKKI DÁIDDÁRSTIPEANDA NJUOLGGADUSAT

7.6 Mildosat

- Miildosat eai galgga oktiibuot leat badjel 50 MB.
- Leage buorre ja sádde digitaliserejuvvon mildosiid nugo govaid, filmmaid dahje eará iežat dáiddalaš bargguin. Musihkamildosiin eanemus 3 šuoŋa. Govvadáiddárat, dáiddaduojárát ja dáiddalaš govvideaddjit eanemus 5 gova. Girječállit eanemus 3 siidu mánus. Filbma/video gaskkal 1-3 mildosa main juohkehaš lea eanemusat 10 min guhkkosaš.
- Muite mitalit galle mildosa leat mielde ja mat dat leat. Hui buorre jus nummarasttát daid jus leat eambo mildosat.
- Sáhtat almmuhit liŋkkaid fiillaide maid sáhttit viežžat.
- Mildosiid eat dábálaččat máhcat. Danin it galgga sáddet originála dokumeanttaid, álege nu máŋga mildosa. Merkes jus mildosiid galgá máhcahit.
- Ále sádde rehketdoalu dahje ruhtadili duođastusaid.

8. Fágálávdegottiid organiseren

Dáiddárservviid jahkečoahkkimat nammadit fágálávdegoddái guokte (2) lahtu ja okta (1) sadjásaš lahtu guovtti jahkái. Lahttuid ii sáhte välljet ođđasit go áigodat lea nohkan ja iige lahttu sáhte välljejuvvot sadjásaš lahttun go áigodat lea nohkan. Sadjásaš lahttut maid eai sáhte välljejuvvot lahttun eai sadjásaš lahttun go áigodat lea nohkan.

Jus fágálávdegotti lahttu ii sáhte meannudit ohcamušaid, boahťá sadjásaš lahttu su sadjái.

Dáiddársurggiin main ii leat ovddasteaddji organisašuvdna mas lea dárbbalaš áššegelbbolašvuohta, de sáhtta Sámi Dáiddárráđi nammadit dakkára. Ja nu maid seamma láhkai jus muhtin dáiddarsearvi ii leat nammadan fágálávdegotti lahttu áigemearrái.

Lotnolasstipeandda várás nammaduvvojit fágálávdegoddái lahttut eará fágálávdegottiin.

Fágálávdegottis lea meannudanváldi go guokte (2) lahttut lea das dahje go okta (1) lahttu ja okta (1) sadjásaš lahttu leaba das.

Fágálávdegotti lahttut ja sadjásaš lahttut eai sáhte ieža ohcat Sámedikki dáiddárstipeandda dan áigodagas go leat välljejuvvon.

8.1 Fágálávdegottiid evttohangáibádusat

Sámi Dáiddárráđi čállingoddi váldá vuostá ja registrere ohcamušaid, ja ráhkkanahťá áššiid mat galget gieđahallot fágálávdegottiin. Ohcamat mat eai gula russejuvvon suorgái, sirdojit rivttes suorgái. Ohccái diedihuvvo vejolaš sirdima birra.

SDR hálddahuš galgá oaiivvadit fágálávdegottiid mo čađahit dohkálaš áššemeannudeami ja gozihit ahte dohkálaš áššemeannudanprinsihpat čuvvojuvvot. Bargu galgá čađahuvvot hálddašanlága áššemeannudanmearrádusaid mielde, masa gullet bealálašvuođa, jávohisbággu ja oaiivvadangeatnegasvuohta

Fágálávdegottit evttohit geaidda stipeanddaid juohkit. Fágálávdegottit galget ohcciide evttohit juolludemiid dáiddalaš kvalitehta ja dáiddalaš doaimmaid árvoštallama vuođu, gustojeaddji njuolggadusaid mielde.

8.2 Fágálávdegottiid áššemeannudeapmi

Fágálávdegotti ráhkkanahťá evttohusaid Stipeandalávdegoddái . Juohke bargostipendii ja oanehisáiggistipendii evttohuvvo okta (1) evttohas. Evttohusat galget leat fágalaččat ákkastallojuvvon.

SÁMEDIGGI DÁIDDÁRSTIPEANDA NJUOLGGADUSAT

Smávit stipeanddaide evttohuvvojit golbma (3) evttohasa vuoruheami mielde. Juohke olbmo nammi galgá ráhkaduvvot oanehis čilgehus juolludanevttohusii, mas čilgejuvvo vuđolaččat makkár ákkat leat mearrideaddjin nammadeapmái.

Áššemeannudeadji galgá čállit beavdegirjji evttohančoahkkimiin. Beavdegirjji galgá oaidnit:

- a) goas čoahkkimat leat lágiduvvon
- b) geat čoahkkimiin ledje mielde
- c) bealalašvuohta
- d) galle ohcamuša leat boahtán ja meannuduvvon
- e) ohccit evttohuvvon vuoruheami vuodul
- f) Ohcamušat mat eai meannuduvvon, oktan hilguma ákkaiguin

Fágálávdegotti evttohusat eai leat almmolaččat ovdal go Stipeandalávdegoddi lea mearridan stipeandajuohkimiid, ja go dát mearrádušat leat almmuhuvvon. Meannudeapmi ohcamušain mat eai oaččo stipeanddaid ii galgga oppalohká almmuhuvvot. Áššemeannudeadji čállá beavdegirji čoahkkimiin.

Fágálávdegottit sáhttet gohččojuvvot buktit cealkámuša váidalanáššiin.

9. Stipeandalávdegotti organiseren

Sámidikki dáiddárstipeandda juohká golmma (3) olbmo stipeandalávdegoddi.

SDR jahkečoahkkin vällje vuosttas geardde golmma (3) olbmo lávdegotti. Stipeandalávdegoddá välljejuvvojit lahttu ja sadjásaš lahttu SDR miellahttoservviid miellahttuid gaskkas. Lávdegoddi välljejuvvo guovtti (2) jahkái.

Lahttuid ii sáhte välljet sadjásaš lahttun go áigodat lea nohkan ja iige lahttun fágálávdegoddá, ovdal go guokte (2) jagi leat vássán.

Stipeandalávdegoddá välljejuvvojit sadjásaš lahttu dain servviin main eai leat lávdegottis miellahttu gustojeaddji áigodagas.

Go stipeandalávdegotti guovtti jagi doaibmaáigodat lea nohkan, välljejuvvojit lávdegoddá odđa lahttu dain miellahttoservviin main ledje sadjásaš lahttu dan áigodagas mii nogai.

Stipeandalávdegottis lea mearridanváldi go 3 lahttu leat čoahkkimis, dahje go 2 lahttu ja 1 sadjásaš lahttu leat čoahkkimis.

Stipeandalávdegotti lahttu ja sadjásašlahttu eai sáhte ieža oheat sámi dáiddárstipeanddaid dan áigodagas go ieža leat välljejuvvon.

9.1 Stipeandalávdegotti mearrádušat

SDR čállingoddi ráhkkanahttá áššiid mat galget meannuduvvot Stipeandalávdegotti čoahkkimiin ja čadaha Stipeandalávdegotti mearrádušaid.

Bargu galgá čadahuvvot hálldašanlága áššemeannudanmearrádušaid mielde, masa gullet bealalašvuohta, jávohisbággu ja oaivvadangeatnegasvuohta.

Stipeandalávdegoddi juohká stipeanddaid fágálávdegottiid evttohusaid vuodul ja bearráigeahččá ahte láhkageavaheapmi ja áššemeannudeapmi lea riehta.

Stipeandalávdegoddi evttoha juolludemiid stipeanddaide gustovaš jahkái ja stipeandalávdegoddi vällje álo sadjásaš kandidáhtaid stipeanddaide. Sadjásaš kandidáhtaid namat eai almmuhuvvo. Ii ohccige ieš beasa gullat leago son biddjon sadjásažžan. Sadjásaš kandidáhta almmuhuvvo jus muhtin lea cealkán eret stipeandda, ja sadjásaš kandidáhta sáhtá stipeandda váldit vuostá.

SÁMEDIKKI DÁIDDÁRSTIPEANDA NJUOLGGADUSAT

Seammalágan vuoduštus addojuvvo ohcciide geaidda eai juolluduvvo stipeanddat.

Beavdegirjjis galgá oidnot:

- a) goas ja gos čoahkkimat leat lágiduvvon
- b) geat čoahkkimiin ledje mielde
- c) bealalašvuohta
- d) makkár mearrádusat lea gieđahallojuvvon
- e) mii meannudeami boađus lea
- f) Ohcamušat mat eai meannuduvvon, oktan hilguma ákkaiguin

Áššemeannudeaddji čállá beavdegirjji.

Raporta juolludemiin sáddejuvvo Sámi Dáiddárráđđái.

10. Váidinvejolašvuohta

Stipeandalávdegotti mearrádusaid sáhtta váidit. Dušše áššemeannudeami ja láhkageavaheami sáhtta váidit. Gonagaslaš cealkámuša nr., 924 Skábmanánu 20. b. 1987 mielde ii sáhte váidit dáiddalaš árvvoštallama.

Stipeandalávdegoddi meannuda váidaga ja sáhtta rievdadit mearrádusastis. Jus Stipeandalávdegoddi doalaha mearrádustis, de sáhtta mearrádusa váidit Sámi Dáiddárráđi stivrii.

Ohccit geaid ohcan hilgojuvvo, sáhttet váidit hilgunmearrádusa hálldašanlága § 2, goalmmát lađđasa ja hálldašanlága kap VI vuodul.

11. Gáibádusat ráporteremii ja čuovvoleapmái

Guđet ožžot stipeandda galget sáddet ráportta stipeandda geavaheamis Sami Dáiddárráđái. Skovvi lea SDR neahttasiiduin; www.samidaiddar.no. Ráporta čállojuvvo vásedin skovváii ovdal ođđajagimánu 15. beaivvi jagi maŋŋil juolludeami. Bargostipeandda geavaheapmi galgá ráporterejuvvot jahkásaččat dan áigodagas masa stipeanda lea juolluduvvon.

Sámi Dáiddárráđi čállingoddi dárkkista ráporttaid dábalaš govtolašvuodain. Čállingoddi dárkkista ráporttaid ja árvvoštallá leatgo stipeandarudat geavahuvvon juolludusa eavttuid mielde. Čállingotti árvvoštallan čadahuvvo dan vuodul maid stipeandaohcci ieš lea almmuhan.

12. Váikkuhusat jus boasttu dieđuid addá dahje jus ii čuovo eavttuid

Jus bargostipeandda ráporteregeatnegasvuohta ii dollojuvvo, de bissehuvvo máksu dassáži go stipeandaohcci ráportere. Bargostipeandaoažžut geat eai sádde ráportta, sáhttet massit vuoigatvuođa joatkit stipenddain.

Jus ráportta geavaheami birra smávit stipeanddain, dokumentašuvdna ruhtageavaheamis jna eai boađe vaikko mii leat jearahan daid, dahje stipeandaoažžu lea boasttu dieđuid sádden, de sáhtta juolloduvvon ruhta gáibiduvvot máksuojuvvot ruovttuluotta. Dát sáhtta maiddái váikkuhit boahhte áiggi stipeandajuolludemiide.

Stuoradikki juolludanmearrádusaid § 17 mielde sáhtta departementa ja/dahje Riikarevišuvdna dárkkistit ahte leatgo stáhta doarjagat dahje juolludeamit almmolaš dahje priváhta doaimmaide geavahuvvon eavttuid mielde.

SÁMEDIGGI DÁIDDÁRSTIPEANDA NJUOLGGADUSAT

13. Mañidit/ rievdadit stipeandda geavaheami

Stipeandda vuostáiváldi sáhtá erenoamáš dilálašvuodaid geažil ohcat mañidideami dahje earaláhkai geavahit stipeandda. Dákkár ohcan sáddejuvvo Sámi Dáiddárráđi čállingodda guhte giedahallá dan. **III oassi. Sierra mearrádušat daid iešgudetge stipeanddaid ektui**

14. Bargostipeanda

14.1 Ulbmil

Bargostipeanda galgá ovttaskas sámi dáiddárii addit vejolašvuoda bargat prošeavttain dahje čiekŋudanbargguiguin dainna ulbmilin ahte dáiddára doaibma ahtanušašii.

14.2 Guhkkodat

Bargostipeanda juolluduvvo jagis golbma jahkái. Go mearrida stipeandda guhkkodaga galgá geahččat ohcci vuodustusa ohcamušas.

14.3 Eará bargooktavuođat

Dáiddárat geaidda juolluduvvo bargostipeanda, eai sáhte stipeandaáigodagas leat virgáduvvon badjel 50 % bistevaš bargodilis. Dáiddár geasa juolluduvvo bargostipeanda, sáhtá bargat olles virggis guhitta mánu, ođđajagimánu 1.b. rájes juolludan jagis. Dáiddárat geaidda juolluduvvo bargostipeanda, geat leat bistevaš barggus badjil 50 %, fertejit buktit duodaštusa barggoaddis virggi unnideames. Stipendaoažžus lea geatnegasvuolta mitalit leago bargodilli njuolggadusaid mielde. Stipeandaoažžu ii galgga leat vuodđooahpus mielde mas lea eambo og 50% bargu.

14.4 Ráporterengáibáduš

Bargostipeandda vuostáiváldit galgá sáddet jahkásaš ráporta čilgendihtii dáiddalaš doaibmama stipeandajagis. Dieđut devdojuvvojit mearriduvvon skovvá ovdal ođđajagimánu 15.b. juohke jagi. Jus dáiddár nu ii daga, bissehuvvo stipeanda dassáži go ášši lea ortnegis.

14.5 Virgelobi

Bargostipeandda vuostáiváldit sáhttet erenoamáš dilálašvuodain ohcat virgelobi stipeandaáigodagas. Virgelohpeohcan sáddejuvvo Sámi Dáiddárráđđái.

14.6 Máksu

Bargostipeanda adno vearrogeatnegas bargodienasin ja máksujuvvo mánnosaččat. Vearru máksu Norgii. Stipeanda ii leat penšuvdnalasideaddji sisabohtu.

14.7 Bajit ahkeráđjá ohcat stipeandda

Ohcit geat leat penšunistat eai sáhte ohcat bargostipeandda. Penšuvdna agi njuolggadusat čuvvot dan riikka gosa ohcci gullá.

15. Bargostipeanda nuorat easkaálgi dáiddáriidda

15.1 Ulbmil

Bargostipeanda galgá addojuvvot nuorra/ easkaálgi dáiddáriidda geat leat álggahandásis, vejolašvuoda ovdánit dáiddálaččat ja addit vejolašvuoda buoridit eallindili go lea bargamin dáiddáriin. Ortnet lea álggahuvvon dáiddáriidda geat eai leat badjil 35 jagi dan jagi go ohcet. Sáhtá spiehkastit erenoamáš diliid geažil. Ohccit fertejit duodaštit buori dáiddalaš dási.

15.2 Guhkkodat

Bargostipeanda juolluduvvo jagis golmma jahkái. Stipeandajuolludeamis galgá deattuhit dáiddalaš dási ja plána masa stipeandaáiggi áigu geavahit.

SÁMEDIKKI DÁIDDÁRSTIPEANDA NJUOLGGADUSAT

15.3 Eará bargooktavuođat

Čuokkis 14.3 lea seamma

15.4 Ráportrengáibádus

Čuokkis 14.4 lea seamma

15.5 Virgelobit

Čuokkis 14.5 lea seamma

15.6 Máksu

Čuokkis 14.6 lea seamma

16 Lotnolasstipeanda

16.1 Ulbmil

Lotnolasstipeanda galgá ovttaskas sámi dáiddárii addit vejolašvuoda bargat proševttain dahje čiekŋudanbargguiguin dainna ulbmilin ahte dáiddára doaibma ahtanušašii.

Máŋggabealat dáiddaduogáš ohcciide lea dás vejolašvuohta válljet bargostipeandda mas máŋga dáiddahámi sáhttet leat lotnolasat. Dát stipeanda soaitá lea dutnje guđes leat máŋga idea ja plána maiguin háliidivččet bargat, ja de daid čohkket oppalaš dáiddalaš ovdanbuktimii

16.2 Guhkkodat

Bargostipeanda juolluduvvo jagis golmma jahkái. Stipeandajuolludeamis galgá deattuhit dáiddalaš dási ja plána masa stipeandaáiggi áigu geavahit.

16.3 Eará bargooktavuođat

Čuokkis 14.3 lea seamma

16.4 Ráportrengáibádus

Čuokkis 14.4 lea seamma

16.5 Virgelobit

Čuokkis 14.5 lea seamma

16.6 Máksu

Čuokkis 14.6 lea seamma

16.7 Bajit ahkerádjá ohcat stipeandda

Čuokkis 14.7 lea seamma

17. Seniorstipeanda

17.1 Ulbmil

Seniorstipenda galgá addit eallilan dáiddáriidda vejolašvuoda joatkit ja ovddánahttit iežas dáiddalaš doaimma.

17.2 Bistá

Seniorstipeanda sáhtta juolluduvvot dáiddáriidda geat leat badjel 56 jahkásaččat go stipeandaáigodat álgá. Seniorstipeandda juolludeapmi bisá gitta ealáhat ahkkái, jus stipeandiáhta ieš ii cealkke dán eret. Ealáhatagi rádjá čuovvu dan riikka njuolggadusaid gos olmmoš orru.

17.3 Eará bargooktavuođat

Čuokkis 14.3 lea seamma

17.4 Ráportrengáibádus

Čuokkis 14.4 lea seamma

17.5 Virgelobit

Čuokkis 14.5 lea seamma

SÁMEDIGGI DÁIDDÁRSTIPEANDA NJUOLGGADUSAT

17.6 Máksu

Čuokkis 14.6 lea seamma

17.7 Bajit ahkerádjá ohcat stipeandda

Čuokkis 14.7 lea seamma

18. Oanehisáiggi stipeanda

18.1 Ulbmil

Oanehisáiggi stipeanda galgá addit dáiddáriidda vejolašvuođa bargat proševttain ja čiekŋudanbargguin vai besset joatkit ja ovdánahttit iežaset dáiddalaš doaimma oanehisáigái. Dáiddárat geat leat ožžon oanehisáigestipeandda ja geat leat ollesáigge virggis fertejit ohcat virgelobi bargoaddis dan áigodagas go stipeanda galgá geavahuvvot. Virgelobiduođaštus sáddejuvvo Sámi Dáiddárráđđái.

18.2 Guhkkodat

Oanehisáigestipeandda sáhtta ohcat ollesáigái 100 % gitta golmma mánnui, dahje jo 50 % guđa mánnui.

18.3 Ráportrengáibádus

Dáiddárat mat leat ožžo oanehisáigestipeanddaid lea geatnegasvuohta sáddet ráportta mii čilge dáiddalaš doaimma stipeandaáigodagas. Ráporterren galgá devdojuvvo mearriduvvon skovvá ja sáddejuvvo ovdal ođđajagimánu 15.b. jagi maŋŋil juolludeami.

18.4 Máksu

Oanehisáiggi stipeanda lea bargosisaboahu mas gessojuvvo vearru ja máksojuvvo mánnosaččat. Vearru máksu Norgii. Stipeanda ii leat penšuvdnalasideaddji sisaboahu

19. Iešguđetlágan stipeanddat

19.1 Ulbmil / ulbmiljoavku

Iešguđetlágan stipeanddat galget leat ávkin ovttaskas dáiddára dáiddalaš doibmii. Sáhtá juolluduvvot doarjja ea.ea. álggaheapmái, kurssaide, mátkiide, oahpuide, čiekŋudahttimii, ávdnasiid oastit, reaidduide ja vuovdaleapmái, konsuleantaveahkkái jna. Ii juolluduvvo stipeandda dábálaš oahppui, proševttaide dahje olggosgoluide mat leamaš ovdal juolludanjagi.

19.2 Iešguđetlágan stipeanddaid birra.

Ohcamuša bajimuš ruhtarádjá juohke stipendii mearriduvvo jahkásaččat ja boahta ovdan ohcanskovis. Stipeandalávdegoddi sáhtta muhtun áššiin garvit badjerádjjesupmi. Bija ohcamuša mielde bušeahhta, meroštallojuvvon olggosgoluid, dahje vejolaš fálladagaid gálvolágideddjiin ja bálvalusain.

Muite čállit ohcansumi skovvá.

Olggosgolut galdet duođaštuvvot stipeandaráporterema oktavuodas.

Stipeanda ii sáhte geavahuvvot vuodđoohppui.

19.3 Ráporterengáibádus

Sii geat leat ožžon stipeanddaid leat geatnegahtton sáddet ráportta stipeanddaid geavaheamis Sámi Dáiddárráđđái. Ráporta devdojuvvo mearriduvvon skovvá ja sáddejuvvo ovdal ođđajagimánu 15.b. jagi maŋŋil juolludeami.

Sámi Dáiddárráđi čállingoddi dárkkista ráporttaid dábálaš govtolašvuođain. Viidásat guorahallá čállingoddi ahte leago stipeanddat čadahuvvon juolluduvvon eavttuid mielde. Čállingoddi

SÁMEDIKKI DÁIDDÁRSTIPEANDA NJUOLGGADUSAT

dárkkisteapmi lea dan vuodul maid stipeandaohcci ieš lea almmuhan. Čállingoddi sáhtta bivdit eambo dieđuid.

19.4 Máksu

Bealli stipeandamávssus máksojuvvo go álgá stipeandain ja nubbi bealli ges go stipenda lea ráporterejuvvon. Vearru ii gessojuvvo, muhto dieđihuvvo vearroiseválddiide.

20. Bidju doibmii

Njuolggadusat doaibmagohtet dakkaviđe go leat giedahallon Sámi Dáiddárráđi 2019 jahkečoahkkimis.